



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

<02> փետրվարի 2021թ.

ք. Երևան

Ո Ր Ո Շ ՈՒ Մ ԹԻՎ 55611/2

**ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ
ԴՆԵԼՈՒ ՄԱՍԻՆ**

ՀՀ ՊԵԿ Իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Մելանյա Մաթևոսյանս և առաջատար մասնագետ Հակոբ Հակոբյանս համաձայն ՀՀ ՊԵԿ նախագահի 15.01.2021 թվականի թիվ ԱՀ 55611 հանձնարարագրի և ուսումնասիրելով հարկ վճարողի հարկային գործը և 23.12.2020 թվականի թիվ 40292-14 Ա, 40293-14 Ա վարչական վարույթի նյութերը.

Պ Ա Ր Զ Ե Ց Ի

«ՍԱՀԱԿՅԱՆ ԵՂԲԱՅՐՆԵՐ» ՍՊ ընկերության (<ՎՀՀ՝ 09414098, պետական գրանցման համարը՝ 27.110.00957, հասցե՝ Սյունիքի մարզ ք. Քաջարան Աբովյան 13-29) վերաբերյալ 23.12.2020 թվականին ՀՀ պետական եկամուտների կոմիտեի իրավաբանական վարչության պետի կողմից կայացվել է թիվ 40292-14 Ա որոշումը՝ 424993 դրամ չկատարված հարկային պարտավորությունը գանձելու վերաբերյալ, իսկ 23.12.2020 թվականին կայացվել է թիվ 40293-14 Ա որոշումը 995230 դրամ չկատարված հարկային պարտավորությունը գանձելու վերաբերյալ:

ՀՀ հարկային օրենսգրքի 431-րդ հոդվածի 2-րդ մասի 1-ին կետի համաձայն «ՍԱՀԱԿՅԱՆ ԵՂԲԱՅՐՆԵՐ» ՍՊ ընկերության բանկային հաշիվներում առկա դրամական միջոցների բացակայության հետևանքով անհրաժեշտ է ղեկավարվել ՀՀ հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ, 430-րդ և 431-րդ հոդվածներով՝

Ո Ր Ո Շ Ե Ց Ի

Արգելանք դնել «ՍԱՀԱԿՅԱՆ ԵՂԲԱՅՐՆԵՐ» ՍՊ ընկերության /<ՎՀՀ՝ 09414098/ պատկանող արգելադրման ենթակա այլ գույքի վրա 1680219 դրամի չափով:

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել: Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել հարկ վճարողին, ՀՀ ՈԾ ՃՈ, ՀՀ ԱԳԿՊ կոմիտե:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց,

կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

 Մ. Մաթևոսյան /արգելանք դնող պաշտոնատար անձի անունը, ազգանունը/ Հ. Հակոբյան /արգելանք դնող պաշտոնատար անձի անունը, ազգանունը/	 /ստորագրությունը/ /ստորագրությունը/	 /հարկ վճարող պաշտոնատար անձի անունը, ազգանունը/ /ստորագրությունը/	 /ստորագրությունը/
--	---	--	---------------------------

Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում քրեական կամ վարչական պատասխանատվության ենթարկվելու մասին: